

ԳԱՍՊԱՐՅԱՆ ԱՐԱՄ

(ԱԻ)

1913թ. ՆԵՋԴՈՒՄ ՕՍՄԱՆՅԱՆ ԻՇԽԱՆՈՒԹՅՈՒՆՆԵՐԻ
ԹՈՒԼԱՅՈՒՄԸ. ՆՈՐԱՀԱՅՏ ՆՅՈՒԹԵՐ

Առաջին համաշխարհային պատերազմի նախօրեին Արաբական թերակղզում տեղի ունեցող գործընթացները, կարևոր նշանակություն ունեցան այդ տարածաշրջանում անկախ պետությունների վերջնական ձևավորման վրա:

Սույն հաղորդման առարկան հանդիսանում է ակադեմիկոս Մ.Ներսիսյանի արխիվում տեղ գտած Ցարական Ռուսաստանի դիվանագիտական նամակագրության լուսի ներքո Բասրայի հայտնի խոշոր ֆեոդալ, 1908թ. և 1912թ. Օսմանյան խորհրդարանի պատգամավոր՝ Սայիդ Թաղիբ ալ-Նաքիբի, 1913թ. աշնանը Նեջդ կատարած այցի և էմիր Աբդ ալ-Ազիզ իբն Սաուդի հետ հանդիպման մանրամասներին անդրադարձը¹:

Չնայած այն հանգամանքին, որ իբն Սաուդին հաջողվեց կարճ ժամանակաշրջանում հաստատել իր իշխանությունը Նեջդում և նույնիսկ լուրջ հաջողությունների հասնել 1902-1906թթ. իր հիմնական թշնամի Շամմարի իշխաններ՝ Ռաշիդների (թուրքական իշխանությունների հիմնական դաշնակիցներ) հետ կռիվների ընթացքում, այսուամենայնիվ, կրկին հզորացող Սաուդական իշխանությունը շարունակում էր գտնվել ներքին և արտաքին ոչ բարենպաստ իրավիճակում²:

Օսմանյան կառավարության և Նեջդի հարաբերությունները գնալով ավելի էին լարվում, առաջինը շարունակելով Աբդուլ Համիդի քաղաքականությունն ամեն կերպ ջանում էր թուլացնել և ոչնչացնել վահհաբիների իշխանությունը Նեջդում: Չնայած նրան որ վտանգը իբն Ռաշիդների կողմից գնալով թուլանում էր, սակայն ավելի ակտիվանում էր Մեքքայի շերիֆ Հուսեյնի գործողություններն ուղղված Նեջդի դեմ, որոնք հաճախակի ուղեկցվում էին ռազմական ընդհարումներով, վերածելով Հիջազը Սաուդական իշխանության հիմնական թշնամու:

Գտնվելով ռազմա-քաղաքական և տնտեսական շրջափակման մեջ վահիաբական իշխանության միակ «լաշնակիցը» մնում էր Քուվեյթը: Մական սաուդա-քուվեյթական հարաբերություններում ևս առկա էին քազմաթիվ տարածայնություններ: Անհամաձայնություններն առաջանում էին հիմնականում տեղային նշանակության խնդիրների շուրջ: Քուվեյթի շեյխ Մուբարաքը ամեն կերպ ցանկանում էր, ուժեղացնել իր ազդեցությունը Սաուդական իշխանությունում և պարտադրել Աբդ ալ-Ազիզին իր կամքը: Իբն Սաուդը ստիպված հանդուրժում էր Մուբարաքի այս դիրքորոշումը ցանկանալով պահպանել «բարեկամական» հարաբերությունները վերջինիս հետ, քանի որ Քուվեյթը և նրա նավահանգիստը Սաուդական իշխանության համար մնում էր հիմնական պատուհանը դեպի արտաքին աշխարհ³:

Ստեղծված իրադրության պայմաններում, փորձելով ելք գտնել քաղաքական և տնտեսական շրջափակումից, իբն Սաուդը դիմեց վճռական քայլերի: 1913թ. ապրիլի 18-ին Աբդ ալ-ազիզ իբն Սաուդը պաշարեց և մեկ օր անց տեղի բնակչության օգնությամբ ապրիլի 19-ին գրավեց ալ-Հուֆուֆը: Ապրիլի 20-ին սաուդական զորքերը առանց որևէ դիմադրության նվաճեցին նաև ալ-Բաթիֆը և ի վերջո ողջ ալ-Հասայի սանջակը անցավ վահիաբական իշխանությանը⁴:

Թուրքական իշխանությունները ալ-Հասան կորցնելուց հետո ոչ մի լուրջ քայլ չձեռնարկեցին այն վերադարձնելու ուղղությամբ: Իշխանական շրջաններում քննարկվում էր ալ-Հասա ուղարկել 13-րդ բանակային կորպուսը, որի թվաքանակը հասնում էր 8-9 հազարի, սակայն, ինչպես նշում է ռուս դիվանագետը Մ. Պապովը, նման քայլը կնաշանակեր զրեթե լիովին դատարկել Բադդադի և Բասրայի վիլայեթները, ինչը շատ վտանգավոր կարող էր լինել ստեղծված իրադրության պայմաններում: Բացի այդ իբն Սաուդը, որն արդեն մի քանի ամիս է ինչ գրավել է ալ-Հասան կարողացել է հիմնովին ամրապնդվել և հավաքագրել բավական մեծ քանակությամբ զորք⁵: Ինչ վերաբերում է ծովային արշավանքին, ապա Անգլիան, որը մեծ ուշադրությամբ հետևում էր Կենտրոնական Արաբիայի իրադարձություններին, և չցանկանալով թույլ տալ թուրքական կայազորի վերահաստատումը ալ-Հասայում, տարբեր խոչընդոտներ էր ստեղծում, իրադարձությունների նման ընթացքը կանխելու համար:

Երիտթուրքերը հասկանալով, որ ստեղծված իրավիճակում հնարավոր չէ ռազմական ճանապարհով հարցին լուծում տալ, վերջնականապես հրաժարվեցին այդ մտքից և սկսեցին փորձեր կատարել բանակցությունների միջոցով համաձայնության գալ իրենց Սաուդի հետ, առաջարկելով սանջակի ներքին գործերում լիակատար անկախություն և մութասսուրիֆի պաշտոնը, միայն թե մա ճանաչի Թուրքիայի գերիշխանությունը ու համաձայնվի սաուդական խաշոր քաղաքներում թուրքական կայագործների տեղակայմանը⁶:

Բանակցությունների անցկացման համար Օսմանյան կառավարությունը Նեջդ ուղարկեց Թալիբ Նաքիբին⁷: Թալիբ փաշայի հետ մեկնեցին ալ-Հասսայի մահամգապետ Սեմի բեյը, որը արդեն մեկ տարի է գտնվում էր Բասրայում, Բարդուդի ռազմական շրջանի շտաբի պետ Բեհադին բեյը ինչպես մահ մի քանի սպաներ ու պաշտոնյաներ⁸:

Հանդիպումը տեղի ունեցավ Քուվեյթից հարավ գտնվող Մուբեհիյա շրջանում: Հետաքրքրական է, որ, ինչպես հայտնում են ռուսական դիվանագիտական աղբյուրները Սայիդ Թալիբի առաքելությունը, և նրա ու Աբդ ալ-Ազիզի հանդիպումը պահվում էին խիստ գաղտնի, մույնիսկ Բասրայի անգլիայի հյուպատոսը, որը գտնվում էր Սայիդ Թալիբի հետ բարեկամական հարաբերություններում, տեղեկացված չէր այդ հանդիպման և նրա ընթացքի մասին⁹:

Ինչպես հայտնում է Բասրայի ռուսական հյուպատոս՝ Գոլինիչև-Կուտուզովը, Սայիդ Թալիբի երկշաբաթյա առաքելությունն ավարտվեց անհաջող: Իրեն Սաուդը հրաժարվել էր թուրքական մութասսուրիֆի պաշտոնից հայտարարելով, որ ինքը Նեջդի թագաժառանգն է և չի կարող լինել թուրքական կառավարիչ: Աբդ ալ-Ազիզը բացառել էր մահ թուրքական կայագործների տեղակայման հնարավորությունը, միակ զիջմանը, որին մա պատրաստ էր գնալ, դա համաձայնվել օսմանյան կառավարության կողմից նշանակված կադիի ներկայությամբ ալ-Հասսայում և ամենամյա տուրքերի վճարմանը:

Թալիբ փաշան Բասրա վերադառնալուց անմիջապես հետո հանդիպեց Բասրայի մահամգապետի հետ, որին ներկայացրեց ալ-Հասսայում գործերի ընթացքի մասին: Նրա կարծիքով Օսմանյան կառավարությունը պետք է հրաժարվի ալ-Հասսան ռազմական ուժով վերադարձնելու մտքից և Մտամբուլի համար լավագույն ելքը կլինի հաշտվել սանջակի կորստի փաստի հետ և Աբդ ալ-Ազիզին առաջարկել

Նեջդի և ալ-Հասայի գեներալ-նահանգապետի պաշտոնը լիակատար ինքնավարության պայմանով:

Մկրտչական շրջանում իբն Սաուդը, որը չէր ցանկանում ոչ մի տեսակի հարաբերություններ ունենալ թուրքերի հետ, այժմ գնաց որոշ զիջումների: 1914թ. մայիսի 29-ին երկու կողմերը եկան համաձայնության¹⁰: Իբն Սաուդը ընդունեց գեներալ-նահանգապետի պաշտոնը, դրանով իսկ ճանաչելով Թուրքիայի գերիշխանությունը, սակայն Նեջդի Օսմանյան կայսրության կազմում մնալը կրում էր միայն և միայն ձևական բնույթ¹¹:

Այսպիսով, առաջին աշխարհամարտի նախօրեին Օսմանյան կայսրության դիրքերը այնքան էին թուլացել Կենտրոնական Արաբիայում, որ տեղի առանձին էմիրները մույնիսկ գտնվելով Թուրքիայից կախվածության մեջ ընդհանրապես հաշվի չէին նստում կենտրոնական իշխանությունների հետ, ռազմական գործալություններ են ծավալում, դաշինքներ և համաձայնագրեր են կնքում, ինչպես իրար, այնպես էլ օտար երկրների հետ, չնայած այն փաստին, որ նրանք մտնում են կայսրության կազմի մեջ:

ARAM GASPARYAN
(IOS)

THE WEAKENING OF OTTOMAN AUTHORITIES IN NAJD IN 1913: NEW DOCUMENTS

After consolidating his domain Abdul Aziz ibn Abdul Rahman Al-Saud captured the Hasa sanjak in 1913. Al-Saud's success greatly depended on weakening of Ottoman government. That is why the Turkish authorities preferred to negotiate. In autumn 1913 the negotiations with Al-Saud began Said Talib Al-Nakib. As a result ibn Saud accepted the post of general-governor of Najd and Hasa.

Although Al-Saud recognized the domination of Ottoman authority, the dependence on Istanbul was too formal. Ibn Saud was sovereign Emir that had full independence in internal and foreign affairs.

ԾԱՆՈԹԱԳՐՈՒԹՅՈՒՆՆԵՐ

1. Philby J. B., Arabia, London, 1930, p. 231.
2. МИД Императорское Российское консульство в Бассоре 8-го июня 1913г., Ակադեմիկոս Մ. Ներսիսյանի հավաքած արխիվային նյութեր, հատոր V, համար 420, (ՀՀ ԳԱԱ Արևելագիտության ինստիտուտի արխիվ): Васильев А.М., История Саудовской Аравии, с. 231-245, М., 1982.

3. Ժամանակ առ ժամանակ Սուրարարը արգելում էր նաև քուվեյթի առևտրականներին և սառնափններին իրն Սաուդին տրամադրել վարկեր: Котлов Л., Становление национально-освободительного движения в арабских странах Азии 1908-1914гг., М., 1986, с. 96.
4. Այլ-Հուժուժը գրավելուց հետո թուրքական զորքերը լիմաթափվեցին և մութասալիֆի ու այլ թուրք պաշտոնյաների հետ միասին վտարվեցին քաղաքից: Պատասխարվելով Ուլեյրում՝ ալ-Հասսայի գլխավոր նավահանգստում, որտեղ էին մահ ալ-Զուբիդի կայազորը վերջիններս փորձեցին կենարոնագնել իրենց ուժերը և հակահարված տալ Իրն Սաուդին, սակայն դա նրանց չհաջողվեց: Ուլեյրում գնդվող քոլոր փախստականները մոտավորապես 700 հոգի Իրն Սաուդի միջնորդությամբ տեղափոխվեցին Բահրեյն, այնուհետև Բաք: МИД Российское Императорское генеральное консульство в Месопотамии, Багдад 8-го июня 1913г., Ակադեմիկոս Մ. Ներսիսյանի հավաքած արխիվային նյութեր, հատոր V, համար 421, (ՀՀ ԳԱԱ Արևելագիտության ինստիտուտի արխիվ):
5. МИД Российское Императорское генеральное консульство в Месопотамии, Багдад 8-го июня 1913г., Ակադեմիկոս Մ. Ներսիսյանի հավաքած արխիվային նյութեր, հատոր V, համար 421, նշվ. արխիվ:
6. МИД Императорское Российское консульство в Бассоре 8-го мая 1914г., Ակադեմիկոս Մ. Ներսիսյանի հավաքած արխիվային նյութեր, հատոր V, համար 450, (ՀՀ ԳԱԱ Արևելագիտության ինստիտուտի արխիվ):
7. Թե ինչով էր պայմանավորված Սալիդ Թալիբի ընտրությունը մահն պատասխանատու աուսբելության համար, դժվար է քայքայել, հիմքեր չկան ենթադրել որ Կառավարությունը հավատում էր Թալիբի լոյալությանը, հնարավոր է, որ երիտթուրքերը փորձում էին օգտագործել Սալիդ Թալիբի և իրն Սաուդի բարեդրացիական հարաբերությունները, մյուս կողմից իշխանությունները փորձում էին մահն քայլով ցույց տալ Սալիդ Թալիբին, որ նրանք ներում են վերջինիս նախկին մեղքերը և համագործակցության առաջարկ են անում:
8. МИД Императорское Российское консульство в Бассоре 8-го мая 1914г., Ակադեմիկոս Մ. Ներսիսյանի հավաքած արխիվային նյութեր, հատոր V, համար 450, նշվ. արխիվ:
9. Նույն տեղում:
10. Котлов Е., նշվ. աշխ. էջ 106:
11. МИД Императорское Российское консульство в Бассоре 16 июня 1914г., Ակադեմիկոս Մ. Ներսիսյանի հավաքած արխիվային նյութեր, հատոր V, համար 454, (ՀՀ ԳԱԱ Արևելագիտության ինստիտուտի արխիվ):